


Dúnadh don Nollaig agus don Athbhliain
Beidh Oifigí an Bhoird dúnta ón 5.30 i.n. ar an
24ú Nollaig 2009 go dtí 9.15 r.n. ar an 30ú Nollaig 2009
agus ar an 1ú Eanáir 2010.

An Bord Pleanála



An tslí a ndéanfaidh tréimhse na Nollag/na hAthbhliana difear do thaisceadh achomharc agus nithe eile a bhaineann leis an mBord.

1. Gnáth-Achomhairc agus nithe eile faoi na hAchtanna um Pleanáil 2000 go dtí 2009

Riail na Tréimhse Saoire

Tá an tréimhse ón 24ú Nollaig go dtí an 1 Eanáir (an dá dháta san áireamh), dá dtagraítear dóibh mar ‘an tréimhse saoire’, eisiata chun críocha teorainneacha ama a ríomh maidir le feidhmeanna an Bhoird faoi na hAchtanna um Pleanáil 2000 go dtí 2009 agus na Rialacháin a ghabhann leo. Dá bhrí sin, i gcás go mbíonn an tréimhse saoire go hiomlán nó i bpáirt laistigh den tréimhse ama a bhféadfadh an Bord achomharc, tarchur, aighneacht, tuairim, iarratas údaráis áitiúil, doiciméad nó aon fhaisnéis/ní eile a fháil, nó ar chóir go mbeadh sé faighte aige, cuirfear suas go dtí naoi lá breise thar an tréimhse saoire leis an teorainn ama.

Riail an Deiridh Seachtaine

Chomh maith lena bhfuil thuasluaite, i gcás gur Satharn, Domhnach, lá saoire poiblí nó lá eile a mbeidh oifigí an Bhoird dúnta a bheidh an lá deiridh chun achomharc, tarchur, aighneacht nó tuairim a dhéanamh nó chun doiciméad nó faisnéis eile a chur isteach chuig an mBord, beidh an t-achomharc nó ní eile a bheidh bailí má fhaightear é ar an gcéad lá eile a mbeidh oifigí an Bhoird ar oscailt.

Tabhair ar aird go gcuirtear ‘riail na tréimhse saoire’ i bhfeidhm, más cuí, roimh ‘riail an deiridh seachtaine’. Féach samplaí 2 agus 3.

Seo a leanas samplaí praiticiúla den tslí a mbeidh tionchar ag a bhfuil thuasluaite ar thréimhse na Nollag agus na hAthbhliana. Tá áireamhain le fail ar shuíomh idirlín an Bhoird www.pleanala.ie chun lá deireanach chun achomharc a dhéanamh a mheas.

Sampla 1

Má dhéantar cinneadh údaráis pleanála nó iarratas pleanála an 1 Nollaig 2009, is é an 28 Nollaig 2009 a bheadh mar an lá deiridh don tréimhse ceithre seachtaine chun achomharc a dhéanamh chuig an mBord, gan riail na tréimhse saoire a bheidh i bhfeidhm. De bhrí go bhfuil cúig lá den tréimhse saoire san áireamh ansin, áfach, tá cúig lá breise thar an tréimhse saoire curtha leis an lá deiridh chun achomharc a dhéanamh i.e. go dtí an 6ú Eanáir 2010.

Sampla 2

Má dhéantar cinneadh údaráis pleanála ar iarratas pleanála ar an 7 Nollaig 2009, is é an 3ú Eanáir 2010 an lá deiridh den tréimhse ceithre seachtaine chun achomharc a dhéanamh chuig an mBord, gan an tréimhse saoire curtha san áireamh. De bhrí, áfach, go bhfuil naoi lá den tréimhse saoire san áireamh ansin, tá naoi lá breise thar an tréimhse saoire curtha leis an lá deiridh sin chun achomharc a dhéanamh chuig an mBord i.e. go dtí an 12 Eanáir 2010. (Tabhair ar aird, cé go dtiteann an 3ú Eanáir 2010 ar an deireadh seachtaine, ní bheidh ‘riail an deiridh seachtaine’ i bhfeidhm mar sáríonn ‘riail na tréimhse saoire’ é.)

Sampla 3

Má fhaigheann an Bord achomharc pleanála ar an 27ú Samhain 2009, is é an 24 Nollaig 2009 an lá deiridh den tréimhse ceithre seachtaine chun aighneachtaí nó tuairimí a dhéanamh chuig an mBord ag duine i ndáil leis an achomharc, gan riail na saoire a bheidh i bhfeidhm. Ach, de bhrí go bhfuil lá amháin den tréimhse saoire san áireamh ansin, tá an lá deiridh chun aighneachtaí nó tuairimí a dhéanamh chuig an mBord sínte go dtí an 2ú Eanáir 2010. Ós rud é gur Satharn atá ann, beidh an aighneacht nó an tuairim bailí má bhíonn sé faighte ar an lá ina dhiaidh oscailt oifigí an mBord s.é.

an 4ú Eanáir 2010. *(Tabhair ar aird sa chás seo go bhfuil an ‘riail na tréimhse saoire’, agus an ‘riail an deiridh seachtaine’ i bhfeidhm).*

2. Achomhairc faoi na hAchtanna um Truailliú Uisce agus faoin Acht um Rialú Foirgníochta.

I gcás gur lá a mbíonn oifigí an Bhoird dúnta é an lá deiridh chun achomharc, aighneacht, tuairim, doiciméad nó faisnéis eile atá faoi réir ag teorainn ama a fháil ag an mBord, measfar an t-achomharc nó ní eile a bheith bailí má fhaightear é ar an gcéad lá eile a mbeidh oifigí an Bhoird ar oscailt. Dá bhrí sin, más é an 29ú Nollaig 2009 an lá deiridh den tréimhse chuí, is é an lá deiridh chun achomharc a thaisceadh ná an 30ú Nollaig 2009. *(Tabhair faoi deara nach mbaineann an ‘riail saoire’ faoin Acht um Pleanáil agus Forbairt 2000 le ceachtar dena hAchtanna um Truailliú Uisce nó Rialú Foirgníochta, ach cuirtear “riail an deiridh seachtaine” i bhfeidhm).*

3. Achomhairc faoin Acht um Truailliú Aeir

Níl aon fhorálacha speisialta faoin Acht um Truailliú Aeir a bhaineann le tréimhsí saoire, deirí seachtaine nó laethanta eile a mbíonn oifigí an Bhoird dúnta. Dá bhrí sin, más é an 29ú Nollaig 2009 an lá deiridh den tréimhse chuí chun achomharc a dhéanamh, caithfidh an t-achomharc a bheith faighte ar an nó roimh 24ú Nollaig 2009.

4. Achomhairc agus nithe eile faoi na hAchtanna um Pleanáil 1963 go dtí 1999


I gcás gur lá a mbíonn oifigí an Bhoird dúnta é an lá deiridh chun achomharc, aighneacht, tuairim, doiciméad nó faisnéis eile faoi na hAchtanna um Pleanáil 1963 go dtí 1999, atá faoi réir ag teorainn ama, a fháil ag an mBord, measfar an t-achomharc nó ní eile a bheith bailí má fhaightear é ar an gcéad lá eile a mbeidh oifigí an Bhoird ar oscailt. Dá bhrí sin, más é an 29ú Nollaig 2009 an lá deiridh den tréimhse chuí, is é an lá deiridh chun achomharc a thaisceadh ná an 30ú Nollaig 2009. *(Tabhair faoi deara nach mbaineann an “riail saoire” faoin Acht um Pleanáil agus Forbairt 1963 go 1999 leis na cásanna seo, ach cuirtear “riail an deiridh seachtaine” i bhfeidhm).*

(Baineann achomhairc faoi na hAchtanna um Pleanáil 1963 go dtí 1999 le cásanna ina ndearnadh an t-iarratas ar chead pleanála chuig an údarás pleanála áitiúil roimh an 11ú Márta 2002. D’fhéadfadh cuid dena cásanna seo a bheith fós faoi reir ag achomharc chuig an mBord m.s. achomharc i gcoinne cinnidh ar iarratas ar cheadú de dhroim cead sracléaráide deonaithe faoi na hAchtanna seo).

5. An Tréimhse Reachtúil Cuspóra chun Cásanna a Chinneadh

In aon achomharc nó cás eile a mbaineann cuspóir ama reachtúil leis an mBord chun an cás a chinneadh, beidh na forálacha seo a leanas i bhfeidhm.

- Má thagann an cás faoi fhorálacha na nAchtanna um Pleanáil 2000 go dtí 2009, beidh an tréimhse saoire eisiata ón tréimhse reachtúil cuspóra de 18 seachtaine. Dá bhrí sin, cuirfear síneadh naoi lá leis an tréimhse reachtúil cuspóra d’aon chás atá idir lámha ag an mBord i rith na tréimhse saoire.
- Má thagann an cás faoi fhorálacha na nAchtanna um Pleanáil 1963 go dtí 1999, na nAchtanna um Truailliú Uisce nó an Acht um Rialú Foirgníochta, leanfaidh tréimhse reachtúil cuspóra de 4 mhí a bheith i bhfeidhm beag beann ar an tréimhse saoire.



Na hAchtanna um Pleanáil agus Forbairt, 2000 go dtí 2009

An Lá Deiridh chun Achomhairc (agus Tarchuir) a fháil agus aird á thabhairt ar an 'tréimhse saoire' don Nollaig/Athbhliain

24 Nollaig 2009 go dtí an 1 Eanáir 2010.

Dáta Chinneadh an Údaráis Pleanála		Lá Deiridh chun Achomharc a dhéanamh	
<u>Colún 1</u>		<u>Colún 2</u>	
Dé Luain	16 Samhain 2009	Dé hAoine	14 Nollaig 2009
Dé Máirt	17 Samhain 2009	Dé Luain	14 Nollaig 2009
Dé Céadaoin	18 Samhain 2009	Dé Máirt	15 Nollaig 2009
Déardaoin	19 Samhain 2009	Dé Céadaoin	16 Nollaig 2009
Dé hAoine	20 Samhain 2009	Déardaoin	17 Nollaig 2009
Dé Luain	23 Samhain 2009	Dé Luain	21 Nollaig 2009
Dé Máirt	24 Samhain 2009	Dé Luain	21 Nollaig 2009
Dé Céadaoin	25 Samhain 2009	Dé Máirt	22 Nollaig 2009
Déardaoin	26 Samhain 2009	Dé hAoine	23 Nollaig 2009
Dé hAoine	27 Samhain 2009	Dé Luain	4 Eanáir 2010
Dé Luain	30 Samhain 2009	Dé Máirt	5 Eanáir 2010
Dé Máirt	1 Nollaig 2009	Dé Céadaoin	6 Eanáir 2010
Dé Céadaoin	2 Nollaig 2009	Déardaoin	7 Eanáir 2010
Déardaoin	3 Nollaig 2009	Dé hAoine	8 Eanáir 2010
Dé hAoine	4 Nollaig 2009	Dé Luain	11 Eanáir 2010
Dé Luain	7 Nollaig 2009	Dé Máirt	12 Eanáir 2010
Dé Máirt	8 Nollaig 2009	Dé Céadaoin	13 Eanáir 2010
Dé Céadaoin	9 Nollaig 2009	Déardaoin	14 Eanáir 2010
Déardaoin	10 Nollaig 2009	Dé hAoine	15 Eanáir 2010
Dé hAoine	11 Nollaig 2009	Dé Luain	18 Eanáir 2010
Dé Luain	14 Nollaig 2009	Dé Máirt	19 Eanáir 2010
Dé Máirt	15 Nollaig 2009	Dé Céadaoin	20 Eanáir 2010
Dé Céadaoin	16 Nollaig 2009	Déardaoin	21 Eanáir 2010
Déardaoin	17 Nollaig 2009	Dé hAoine	22 Eanáir 2010
Dé hAoine	18 Nollaig 2009	Dé Luain	25 Eanáir 2010
Dé Luain	21 Nollaig 2009	Dé Máirt	26 Eanáir 2010
Dé Máirt	22 Nollaig 2009	Dé Céadaoin	27 Eanáir 2010
Dé Céadaoin	23 Nollaig 2009	Déardaoin	28 Eanáir 2010
Déardaoin	24 Nollaig 2009	Dé hAoine	29 Eanáir 2010
Dé Luain	28 Nollaig 2009	Dé Luain	29 Eanáir 2010
Dé Máirt	29 Nollaig 2009	Dé Luain	29 Eanáir 2010
Dé Céadaoin	30 Nollaig 2009	Dé Luain	29 Eanáir 2010

Is féidir an tábla thuas a úsáid chun an lá deiridh chun aighneachtaí nó tuairimí ó 'bhreathnadóirí' a fháil faoi alt 130 d'Acht 2000. Léigh colún 1 mar an dáta d'achomharc (nó achomharc deiridh) fháil agus léigh colún 2 mar an dáta deiridh d'aighneachtaí nó do thuairimí.